

永樂大典

卷一萬四千六百
七

永樂大典卷之一萬四千六百七

六卷

簿

主簿

事物紀原韋昭辨名云主簿者主諸簿書辨云簿晉也昔關諸

司佐理縣務賦司符印主簿書

御史臺主簿

事物紀原臺簿漢有此官張忠為御史大夫者

年御史臺始置主簿二人唐置一員掌付事勾稽省署抄目監印給紙筆其俸祿與殿中御史同武德末杜淹為大夫以吏部主事林懷信為之貞觀中自張弘濟為此官之後遂為美職管轄中祿務公解尉庫檢督令史奴婢配散官職事美食則執黃卷書其誶罰唐職林憲臺之禮雜端在南蜀主簿在北蜀五代會要後唐天成四年八月御史臺孔目官閻珪狀分析每有大夫中丞奏請雜端主事等官承前隨廳罷任其主簿亦類是

永樂大典卷一萬四千六百七

一

任伏候初裁初諸道省從即隨府罷臺主簿既為正秩况入選門並自初恩須終考限未親宜仍舊官杜佑通典宋御史臺推直官二人專治獄事主簿一人掌文事發辰勾稽簿書各一人紹興初詔檢法主簿特令殿中侍職兼行推直悉罷檢法官掌檢詳法律元祐三年改為主簿紹聖三年置職遺奉後置主簿掌勾稽簿書各一人紹興初詔檢法主簿特令殿中侍御史奏詳紹熙中侍御史林大中以論事不合去所奏辟檢法官李謙主簿彭龜年亦乞同罷嘉定元年別舉除檢法官范之柔除主簿以後二職皆闕事文類聚熙寧十一年改主簿作檢法官各一員係長或同舉京官充元豐四年罷置和二年御史臺中請六年復置各一員結金要四朝志又熊氏職事云國初沿唐制御史臺有推直官按四朝志推直罷於改官制之時而檢法之置乃在熙寧十年續宋會要元豐三年季定請增置一員點檢六案文字元豐六年九月中丞黃履言本臺有主簿兼檢法官二員乞復置分治職事詔置主簿并檢法官一員從八品又奏本臺主簿檢法官係分掌班籍參預定刑所領職事與他司不同元祐元年大理寺右斷刑架閣庫專委主簿主管宋張廣東憲集黃應南御史臺主簿制初具官某御史府設屬所以維持紀綱必得端良乃應器使以爾學務

真積心存克誠權在師儒之聯蔚有縉紳之譽往往鈞檢俾能其官益勵
兩為以贊而長 李澗御史臺主簿制 勅具官某朕惟憲府之屬中執
法得以自擇蓋欲其以類舉也爾學問操履有聞于時模茂詳明形於薦
贖俾其往任鈞檢儻無諱簿書之勞是為不負所知亦庶幾紀綱之助恭
容考選稿文堂集宣義郎陳郊可御史臺主簿制 勅具官某憲府肅正
朝綱肆於簿領之臣考擇惟賢以爾材實之美宜踐厥官錫茲命書柱承
無敢可汪藻浮溪集恭譯御史臺主簿制 御史府朝廷風憲之地以簿
領勾稽於其間者蓋不輕授往贊而長毋失官職周麟之海陵集沈振除
御史臺主簿制 國之紀綱屬在憲府官無大小皆欲以庶亮有守之士
為之儲才於茲其用固有序也爾以學業之茂安於守而達於所知延見
昕朝首告朕以君子小人之說夫二者治道之要也爾能知之是足以為
臺屬矣鈞稽之任其尚勉哉可劉行簡荅溪集左承議郎鄭毅除御史臺
主簿制 勅具官某御史府風憲所在其屬皆一時異選簿領鈞稽之職
非他有所司也爾志行老成謹辱通敏俾居厥職公論謂宜尚勉之哉可
彭止堂集辭免除臺簿中省狀 紹熙壬子准六月十六日省劄朝散郎
守侍御史兼侍講臣林大中狀准御史臺令詣檢法官主簿聽長貳不限

永樂大典卷一百六十七

二

貨序舉承務郎以上充照得本臺檢法官曾三復近已改除監察御史尚
關臺屬一員兩奉玉音令臣奏辟臣竊見國子監丞彭某操行堅正不為
詭隨遇事通明不為沽激堪充臺屬差遣欲望聖慈特降睿旨施行伏候
勅旨六月十六日三省同奉聖旨依李謙差充御史臺檢法官彭某差充
御史臺主簿并准小貼子檢會乾道六年七月二十四日已降指揮今後
除授職事官並令不候受告先次供職者某照對御史臺奏辟檢法主簿
在法雖不限首序然此年所辟多是曾任知縣人某自改官以來未經作
跡按之迹創難以充負兼聞元祐中王巖叟嘗論奏言路數人所賴以察
四方之事遠四方之情而專用一方之人非所以廣聰明於天下某伏見
御史臺見今察院及屬官已多江西人而某又居江西雖事出通然而簿
書之職亦無言責然不能周知四方之事恐非朝走所以廣聰明之意况
某人庸下無所採取列屬臺中最為不稱欲望特賜教奏下御史臺改
辟臺簿將其別與差遣伏候指揮 乞解罷臺簿申省狀 照對某昨於
紹熙三年六月十六日準尚書省劄子備奉聖旨差某充御史臺主簿竊
緣某當未係侍御史林朝請奏辟今月十八日林朝請已除吏部侍郎某
自合解罷除已申御史臺請假更不入臺外欲望特賜教奏別與某一等

永樂大典

卷一四六〇七

差遣伏候指揮。辭免依舊充臺簿中有狀。右某伏準省劄以某已解
 罷御史臺主簿職事。十二月二十二日三省同奉聖旨。並仍舊供職。某於
 閣成命。倍切凌兢。自揣弗安。敢忘為責。某聞人臣之事。若違則當守其法。
 退則當致其義。二者失一不可也。某昨者蒙朝廷差充御史臺屬官。乃以
 侍御史林朝請奏辟。林朝請既除吏部侍郎。某合當解罷。兼林朝請近因
 論事不行。遂有改除。某忝為臺屬。裨贊無狀。未加屏斥。已荷寬恩。豈可悚
 慚。復入憲府。某義亦當辭。法既當羅。義又當辭。冒而居之。實不皇厥欲望。
 朝廷特賜教。與某一在外。合入差遣。庶安愚分。伏候指揮。唐仲友說齊
 某知信州。通交代。詹臺簿啓。宸綸改命。使節按刑。五月尚道。改教太公
 之報。百城未肅。民須買父之未。郵置一傳。指紳交慶。恭惟某官。氣養剛大。
 德依中庸。惟其資深而居安。是以用明而宿壯。淵乎似道。孰測汪汪之隙。
 若然奏刀。但見恢恢之地。一自為臺之結綬。存更熊軾之頒條。辨是非。
 曹何剛吐而柔茹。與利除害。固已吏畏而民懷。偶潢池。鼠竊之。隱藉屬
 犬牙之制。爰膺衣繡。持斧之選。往變帶牛佩犢之風。然三接方錫於康侯。
 必一言深悟於上意。不辭攬轡。固君子急病而避夷。如欲折樹。當惟
 運籌而決勝。衆論如此。俞意必然。某業共文衡。今承郵綬。無小無大。願聞

永樂大典卷一四六〇七

三

楚令尹之告新。武吳或同。當龜魯男子之善。學燕賀方深。於成漢。經書充
 樹於揚。謙尚苦矣。蒸諒綏福。履致精調之祝。用迎滋至之休。周益公大
 全集緒臺簿啓。三運就荒。木決歸田之計。一麾出守。誤叨朱轡之恩。自
 惟機線之無長。加以鬻絲之既老。投閒置散。乃所當然。宣化冰派。斯為過
 矣。載者叨踰之自。寧無獎借之由。茲並某官學問粹精。風猷警邁。久儀任
 路。人皆嘆於良難。擢真臺條。上獨嗟於見晚。每推公論。仰助清朝。致茲朽
 鈍之餘。亦在
 以虛之數。

太常寺主簿

杜佑通典太常簿漢始有之。唐簿之制。太常為
四馬。主簿車前八乘。魏晉亦有馬。梁天監七年。

十二卿各置主簿一人。陳因之。北齊有功曹五官。主簿二人。唐制二人。掌
 付事。勾稽。省署。抄目。監印。給紙。筆。餘寺主簿並同職。宋會要。宋皇祐中。宋
 祈乞增置一員。勾檢在寺文書。及掌出納。遂除胡瑗。後者不置元豐。正名
 初除王子奇。建炎三年。有紹興十年。復置。紹興十二年。太常寺卿王實言
 本寺主簿劉榮。強記洽聞。又深禮樂。所有討論文字。欲令同共討論。從之。
 言行錄。李浩除太常寺簿。翰對陳無逸之戒。且論宿衛大將。恩寵太過。高

亦感其言，宿將旋就第，自檢把塞言路。士風寢衰，至是公與王十朋為方查
 薦，切憲姑相繼有所問陳，時號五賢。聞者興起，太學之士至為五言詩以述
 其事。諸司職掌國朝改為典簿，二員正七品，宋張廣來憲集注勅太常寺主
 簿制，勅其官某列寺設屬，皆取時才，刑在曲臺之懸，尤嚴簿正之職。以兩
 齋孫序序早有聲稱，學博而文官，廉而畏，伴任鈞檢，宜兩優為佳。既乃心，以
 贊而長，鄭起潛立卷外制，奉議郎行武學博士，孫夢觀除太常寺主簿制。
 簿領雖早奉常，孟禮樂所自出，有列其則與，閭稽古制作之事，其選清矣。商
 茂才科德，久橫經于石序，俾運曲臺，將觀稽古之學，豈特簿書云乎哉。虞博
 尊白堂集葉宗魯太常寺主簿制，朕惟禮樂所以粉飾太平，而奉常實典
 司之，其間列屬並號清華，爾文學政事，俱有可觀。簿正之職，蓋朕遴選今坐
 廟堂，居風憲，多由此途出，爾身親見之矣。益思涵養以待子之器，使汪藻浮
 漢集蘇良治太常寺主簿制，簿領雖早，然隸于太常，與閭禮樂之事，非他
 官比也。非爾通敏，朕不汝除。洪平齋集，則用行除太常寺主簿制，勅其官
 某孔子先簿正祭器，寅清禮樂之府，簿非冗曹比也。爾以凝重之器，和平之
 政，父著聲於湖表，擢真容臺，禮制樂作皆未聽之。漢儀雜奏，唐舞因隋情文
 本末，必稽其失，而糾其違，毋徒諉之簿書之末，可。高著齋微臣類葉李師顏大

宋樂大典卷萬四千六百七

四

常寺主簿制 予方以爾雅文偉識，直道明謨，實諸右學，卷而資望，曾幾何
 時，士論浩然，歸重禮樂之司，非爾不足，以重此選。簿正祭器，夫子所先，往其
 欽哉。母負所學，衡校樂先，生集通直郎，賜緋魚袋，王克勤，依前官，特授太常
 寺主簿制。爾總用和名，被遇烈祖，讀冊府之書，踰三十年矣。頃又以力學
 自奮，名第相州，縣既用復，跌然遂得，以其餘暇，涵養遠業，豈老其才，而後
 用耶。朕愛惜人物，振板滯淹，比如收召，俾真曲臺，簿領雖早，與閭禮樂之事，
 往遊其間，以俟褒陟，可。洪適盤洲集，倪偁太常寺主簿制。簿領雖早，奉常蓋
 禮樂所自出，有列其間，則與閭稽古制作之事，它事不可同年而語也。爾強
 學好修，久率多士，俾造禮嗣，益觀所長。蘇峴太常寺主簿制。爾四世祖
 精於禮學，作太常，因革書百篇，行於世，禮官有討論，資以折衷，而無厭訟
 之患，爾不墜家學，近臣稱之。往游曲臺，思賢其長，許應龍東澗集，劉震孫
 除太常寺主簿制。奉常禮樂之司，素號清選，而勾稽之職，其事尤簡。然
 錄是而登要路者，前後相望也。以爾名臣之裔，博雅清脩，學問深造，於精
 微，議論每殫於剴切，容臺簿正，允稱師言。其振爾之家聲，以待子之器，使
 洪文安公小隱集，左奉議郎張堅除太常寺主簿制。爾以輔臣子，被服
 儒術，蓋嘗從事御史府矣。奉常之屬，官秩甚清，往游其間，親汝遠器，任希

夷斯庵集其因太常主簿制 初具官某朕惟奉常簿領之司嘗預稽古
禮文之事為匪素推於遠學未嘗輕界以是官爾朕在朝行溫然儒者權
跡紛即列屬頃臺尚益懋於兩傍庶不辜予予選 孔元忠太常簿制
朕惟奉常禮樂之司必得博習脩潔之秀克相而長斯稱其官爾才懋通
今志勤汲古乃者試閣之選士贊我春官之持衡惟時從臣丞鵬顯為權
自天府之貳實于簿正之繼其服其思益著顯劾劉俊村集虞處除太常
寺簿制 官曹之清者至國壁由臺而此爾昨教育子右變之任也今權
奉常伯夷之選也一代稽古禮文之事皆得與博士議郎共討論之豈特
簿正祭器而已哉可 戴良齊除太常寺簿制 國家於稽古禮文之事
無愧前代凡有列於頃臺者皆名流也爾老於文學有窮經析理之樂恒
於榮利有難進易退之操奉常華選無以易汝庶幾昔人召魯生制禮之
意可 趙汝艘除太常寺簿制 士大夫一門之內珠聯璧合接武于朝
自華學斌鞞以來蓋不多見爾之伯氏既持文墨議論為吾近臣矣汝又
結綬登畿惟列院非所以處汝也遺之頃臺塗鞞益清汝其勉旃唱荒
和惟修衣冠之盛抑亦為邦家之光可 孫桂發除太常寺簿制 太子
舍人制 朕於士之懷才抱藝者惟恐不知之既知之惟恐其伏於下僚

永樂大典卷萬四千六百七

五

而騰上之不逮也爾修於家庭人無間言行乎州里立乎本朝士無異議
所謂遠才成德者禮官清於學者儲案要於藩邸朕為官擇人非為爾擇
官也爾其懋哉以對殊擢徐棣楚先生集時煥授太常寺簿制 初春
臺簿領之職所以稽視禮文之疎闕也非其人豈輕畀哉爾時煥英靈屬
籍府有時名亦既跡故府而陞帝社周旋乎俎豆之間矣懋簡聲實晉陟
勿積往欽乃司典聽朕密可方澄涿烏山集通莊常簿制 某敢以某官
風流文雅不忝家聲政事術業具有宦譜晉之王謝本朝之韓呂不吳過
矣爾儀班行引而上之討裁臺閣謀護廟朝固其任也蕭然里居一以江
山雲月為家宅筆視簡冊為性情富有其具而用未盡柄人物者豈得辭
其責哉雖然祿位相高一時之榮也文獻不墜百世之澤也家庭講習里
巷婆娑所以肖其先而儼其家者固有所出於權勢寵利之外根茂光輝實
大聲宏雖欲勿用其舍諸某拭目以瞻召節之下王與鈞盤縷某回李寺
簿制 伏以梅黃雨細涼意如秋恭惟某官王立鵬班望實益偉靈祇森
扈台候動止萬福某遐遠厚匿之標紛易頻歲機車辰斗每切尊瞻比緣
驅馳煩使吏氛後人赫皖之間甄到几格方自愧負豈謂謙馮下逮特枉
誨函捧誦襲載何書拱壁之獲仰惟某官學識明博而足以獎邦行能高

永樂大典

卷一四六〇七

妙。而足以撫世，羽儀文石，鈞考奉常，雍容乎鐘鼓，玉帛之間，討論乎典章，制作之事，名流所莅，異用鼎彝，臺閣垣扉，路徑平易，年除歲遷，即在甘泉，上雍之列矣。某疎庸無取，誤點恩除，司臬近畿，責深寄重，龜奉職未，知所以免戾，過勤慶語，良仍愛忘，顧居中之勛，訂禱之訓，二者止有望於執事，尚冀垂念，幸甚。某伏承春軫，特有雪紆，霜紉，雲腹之遺，物意俱融，當暑拜賜，尤為清絕，下情不任，珍感，亟此，詹報，性德，莫究，謝言，切祈，撥令，向梓，居高致爽，前對，殊渥，俯契，忱頌，台閣，大德，中外，祝福，吳下，凡有，翫策，願力，驚頌，越著，溥照，蒙次，韻劉，寺簿，絕句，二首。山寺，方同，祭祀，齊，忽驚，塵然，一詩，開從，今僕，使親，餘論，願戒，磨門，許數，來草，樹扶，殊書，滿齋，夜窻，燈火，酒尊，開知，公善，誘蓋，前輩，不以，見聞，頃去，來揚，誠齋，荆溪，集送，丁牧，仲新，除奉，常寺，簿，入朝。帝念，潛龍，雪邸，臣寵，光玉，樹照，青春，家歲，履馬，星辰，舊天，借旂，常日，月新，從此，雲霄，君穩，步向，來編，驚我，曾鄰，曲臺，簿，正多，廊廟，西府，破樞，是一，人。今樞，密以，公為，未嘗，不許，景衡，橫塘，集寄，敏叔，寺簿，詩。海角，紛紜，抵簿，書竭，來不，覺一年，餘。自嗟，擾擾，無休，息，猶及，忽，忽，問起居，前日，先生，官獨，冷，而今，主簿，意何，如。應憐，小女，猶凝，在，只喜，腰間，已佩，魚。敏叔，時為，太常，簿，新改，服色。

宋樂大典卷萬四千六百七

六

宗正寺主簿

鄭熊通志果置官也。陳北齊隋皆有唐因之置一人。唐會要開元二十五年七月初宗正寺卿丞及主簿。得宗室中才行者補授。事類合璧天禧改元以衛尉丞趙鼎兼宗正寺簿。元豐正名初除楊克建炎三年罷紹興十年復置。隆興元年從王大賚等議詔宗正併省主簿。一自二年詔宗正寺丞簿並依舊制。曾親以使相領京祠王朴知開縣都丞自甘昇為內押班三人相與盤結士大夫無耻者爭附之。表樞字機仲為宗正簿因輪對數為上言之。宗正地嚴秩清儒者之職也。稍以序進宗勾稽之任。元祐元年宗正寺言既許主簿通管寺事切恐亦合依太常寺國子監例正通管雜務其編纂圖書乞依舊例丞專修從之。宋史列傳游師雄元祐初為宗正寺主簿執政將乘四啓訪於師雄師雄曰此先帝所立以控制夏人者也若何棄之不惟示中國之法將起敵人無厭之求僕瀝戎刑粵視以為請亦將與之乎。萬一燕人遣一乘之使來未關南十縣為之奈何不聽因著分經錄任希夷斯奪集錢撫宗正簿制宗正設屬瑤牒是司不惟扶叙於皇支蓋伴侍書于大事若時清選必屬儒流爾端淳梁婆敏明通務昨舉一同之家人躋六院之職于茲期年翕騰美譽宜加超拔顯列周行其益屬於遠猷以

永樂大典

卷一四六〇七

克承於殊遇。邢燕宗正簿制。卿寺簿領之職。式掌勾稽玉牒屬籍之司。實無脩纂以兩性資敏。初才術疏通。雖寒戚晚之華。休有周行之舉。宜自奉常之屬。與禪大事之書。其服優恩。克圖未劫。蘇東坡大全集文居中宗正主簿制。初奉議郎管勾西京糧料院文居中。昔江左二老王粲謝安唐之元勳。汾陽西平皆以積德流慶。子孫昌衍。布列臺省。為邦家之光。今吾大師氏亦庶幾焉。爾才行之美。所資若深。見聞之廣。不扶自直。宜近而遠。未稱朕意。其歸乃事。同寅協恭。以究事君親之義。可特授依前官試宗正寺主簿高著齊微。垣類彙趙連龍宗正寺簿制。司宗設官非徒整訓。為秩序昭穆而已。白玉之牒。編年紀事。與史並行。其選蓋不輕矣。爾脩纂博習。賢問藹然。故府膠庠。皆所周歷。肆瞻雅望。簿正宗盟。往服厥官。以須明陟。宋元龍行宗正寺主簿制。司宗列屬。非特莫世。誓詔戚疎也。白玉之牒。實預編摩。匪賢不以選授。爾有內美。重以備能。典獄以稽經。取律為事。長邑以學道愛人。為心。留真周行。潛然無營。肆庸命爾簿正屬籍。往敬乃事。以稱所蒙。奉議郎幹輝行在諸軍糧料院謝方叔特授宗正寺主簿制。西南之秀。是開坤珍。于用時拔。其尤嘉其直。大之氣所鍾也。爾家峻下。其炳靈載英。之尤者乎。現意琦行。蔚其為士林之特。歲元介

永樂大典卷萬四千六百七

七

爾以勾稽籍之稽。意有屬焉。將伯助予。此為之兆。許應龍東湖集董槐除宗正簿制。勾稽宗寺。雜事簡職。閑然華塗。要津由茲。而升者前後相望也。爾奮身儒級。遇事精明。中外踐吏。府有休譽。擢陞茲職。益觀爾能。尚克欽承。勉圖報稱。周麟之海陵集。鄭和剛除宗正寺簿制。君子求為可知。而不求於必知。政其知之也。孰樂夫。已有可知。則鳴皋之鶴。雖在陰而于和。必人之知。則夜光之璧。或投暗而人疑。理蓋然也。爾以成德之秀。白首於州縣。間所行所為。無非可知者。而未嘗求人。之必知也。今薦者以聞于朕。特召見而褒進之。序于司宗。列在奇屬。其品高矣。朕將以是為執權之階。可洪文安公小隱集。右承奉郎吳曾除宗正寺主簿制。汝以儒雅。自命昔嘗從事于太常矣。司宗簿正。其選甚清。往惟丕欽。無怠於事。彭汝礪郵陽集。王誼宗正寺主簿制。初某爾昔備學官。以憂去位。日月不處。亦既除喪。為屬司宗。勾檢稽夫。無易乃服。以期于成。可別後村集。黃應春除宗正寺簿制。麟寺名掌屬籍。實以纂述。瑤編為職。地清天近。非名流不輕授。爾經明而行脩。年高而德邵。書所謂耆德。語所謂先進。詩所謂典刑人也。雖博士贊司宗。一代大典。皆與討論。爾既兼史官學識之長。朕非責俗吏簿書之務。可馮夢符除宗正寺簿制。昔人以大幕府為小朝。

廷謂人材之所聚也從吾大臣拔蜀者多矣爾其一焉甫開朝蹟卷懷而去起參准桐軍事俄而青齊拓土濟汶歸疆矣夫有磨盾作檄之才必能秉檢玉泥金之筆朕以瑤編初草付爾筆削將極文章之用陳琳阮瑀之事淺矣而極其遠者大者可 林裕除宗正寺簿制 近世學士大夫同流以媒進枉已以希福滔滔皆是至於獨立以決去直道以獨編則吾未見其人焉爾前在學館言論風旨離合去就之際皆可暴之當世朕既拔去凶邪叢之留落遷徙者以次進推汝久而後至色無愠喜瑤編大典得以筆削事簡職清其益充養汝之浩然者以俟于用可陳炎松溪集賀兩府刊除未正簿啓 頌綸鳳掖司籍麟宗正刺翔翔正喜分嚴陵之月九族秩序又移近長安之天凡屬照臨不勝鼓舞禮樂先進典刑老成瑤林瓊樹之人象宗閣黃扉之地步雖問周景素見重於題輿豈有王祥能久淹於別駕詔果未於當守簿爰止於司宗晉陟清班咸謂華選全枝譜衍行將歌螽羽之詩紅藥階翻邁即鳴鳳池之珮其冒難作時竊託監州忽聞成命之欣倍激懦衷之喜屏呈東駕遙極燕雀賀履之忱思天下臨幸監大馬總軒之意精神淵源余日華回陳宗簿啓 其共審思頌宸衣簿止仙源展驥足於治中久資闕次司麟宗之屬籍方類纂備步武翔翔為

宋樂大典卷萬四千六百七

八

神忻愜某尚稽質慶過沐貽箋三復謙馮一味漸感報馮來尺姑叙蒙公草帥悚然融亮幸甚 回陳宗簿入國門啓 某伏審光奉墨書勾稽瑤籍倚門初入賢路有聞屬以物文無從納謁先蒙拘翰良認謙勤占報不莊原亮幸甚 賀胡宗簿啓 伏審錫寵宸廷勾文屬籍鑒白玉之牒正資良史之才涉赤墀之塗行趾先猷之美除音初布輿論愈諧某久失辱知劇于質喜華絨俯逮已榮蔭衍之歲慶個欲陳敬俟門墻之誥啓劉淵海楊長孺謝除宗正寺簿啓涉赤墀之塗久誤微聞於章奏鏤白玉之牒端今勾會於簿書何已試而固功迺超遷而帝寵詔爵如許非才豈堪共惟本朝莫重信史大事書之策昭垂列聖之光明眾美效之君顯命上公而典領繁編年而繫日可緯地而經天雖人主之自觀難迂直筆蓋儒生之唯謹敢妄措辭第實錄而舉綱將垂鴻而傳後文昭武穆本蔓葛而絲瓜帝子天孫如倚蘭而蟠李交脩譜牒厥有科條爰稽古而建官俾分職而率屬茲宜妙選孰得濫吹如某者枵然抱虛老矣安用纂言記事初乏古人之三長更治考功或觀侏儒之一節僉荒遠連憂患餘生束帶立朝請來為母徒守諸侯之邸恐稽傳命之郵劬菴有言嘗切嗟而無諱雷霆收怒曲隱忍而無容龍顏斯溫驚羽載拂是殆喜沒黯之慧不然寧蕭

何之奇，開大公至正之門，鴻鈞一轉，沛越次如常之澤，品物咸亨，拔之允散之中，其彼清高之表，金鋪玉戶，既宿衛於九霄，瓊綺琅函，更發揚於千載，懼浮於善感，極而思茲，蓋伏遇某官志在春秋，言合稷契，閑邪陳善，使朝廷之清明，吐辭為經，歸文章於雅正，謂可同於先舞，自無愧於詩書，載承長壽，追隨後人，某敢不願奏薄伎，祈奉明恩，聖主得賢，請誦揚國之瑞，大夫能賦，永歌麟趾之風。

光祿寺主簿

事物紀原光祿丞簿皆漢所置，應劭曰：光祿也，祿爵也。通志：晉宋齊梁陳並有之。北齊曰：功曹。

五官主簿，隋二人，唐因之。宋會要：宋元豐官制，行置主簿一人。政和六年，監察御史王桓言：祭祀牲牢之具，掌於光祿，而寺官未嘗臨視，請大祠以長貳朔祭，及中祠以丞簿監視，宰割禮畢，則胙有故，及小祠聽以其屬攝從之。諸司職掌。

國朝改為典簿二員從七品

衛尉寺主簿

事物紀原衛尉丞簿皆秦漢所置也。通志主簿一人，漢衛尉尉駕四馬主簿前車八乘，皆有二人。

宋齊梁陳因之北齊及隋亦有二人唐因之從七品上掌印勾檢稽失宋書百官志元豐元祐官制置一人從八品宋劉攽彭城集宣義郎呂由誠可

衛尉寺主簿制，初具官某乃父宣力前朝，抗節自任，措紳稱之。至今不忘，朝廷重賢者之世，樂育推權，故用其長子使丞卿寺，無祿早夭，朕甚憫之。惟由誠官為邑宰，能自立者，可以承兄之緒，復命以衛尉之屬，使天下信吾厚於直臣，知所勸勉矣。可。

太僕寺主簿

事物紀原梁始於太僕置主簿一人，北齊亦一人，隋二人，唐書百官志二人，從七品上，掌印勾檢稽失。

稽失者，著抄見新唐書主簿一人，正九品下，掌廐牧畜養車騎，駕馭儀仗。魏朝二年，吐曰：取僕寺保曰：人夫有進，為十一人，錄事一人，府三人，史五人，亭長三人，字曰：三人，宋書百官志元豐改官制置一人，從八品，元祐三年，詔著諸司職掌。

國朝置主簿一員，從七品，宋蘇頌集劉當時太僕主簿，告詞：初具官某，朕教求為良，選世族之後，惟乃顯考，昔為嘉祐侍從之冠，文學議論有絕倫之聲，肆爾仲叔，侃然自矜，不忌前人，茲予命爾僚臣之佐，以修閑牧之闕，母荒夫朕命，以奉乃又可。宣義郎葉勳大僕寺主簿。古者御與射。

同以觀其人之材藝故詩人稱太叔善于啓控孔子以謙自名執御汝為僚臣屬於大長於効駕職也其亦嘗聞之矣

大理寺主簿

事物紀原大理簿自魏晉以來歷代皆有之是疑魏置官晉初置廷尉主簿宋齊梁陳後齊皆

有唐置二人掌印省署抄日勾檢稽夫從七品上宋中興會要宋元豐正名初除二員建炎三年省後廷尉德徽詳訟凡目見於簿書古今合璧陳希點為大學博士遷大理寺簿人為之憤然公忻然就職素不請律而原情引經法家自以為不及宋張廣東憲集范詢大理寺主簿制 初具官某某棘寺之屬皆以詳激為職雖掌治簿書亦惟其人以兩風力致強有聲治棘往任鈞檢固優為也洪平齊集安恭行除大理寺簿制 初具官某朕緬懷先朝樞臣保蜀之勲而辱其報既擇其子又錄其孫爾競爽而警敏王又祈鍾愛也丞都東川方騰善譽簿正棘廷魁登華級三世有蹟于朝榮矣哉任優則學圖稱厥家可衛後樂先生某朝散郎行大社令洪俱持杖大理寺簿制 漢儒以簿書做訟為非本務然廷尉天下之平文積案委鈞稽無法吏並緣為姦民命顧不重耶爾生於名閥才諳有聞棘援剛之繼列理官之屬體朕此意思所以稱其職者行對褒陟可 承議郎幹

永樂大典卷萬四千六百七

十

辨行在諸司糧料院林拱辰依前官特授行大理寺主簿制 廷尉之獄民命所繫朕以文法吏與儒者參用厥有深旨爾學識敏茂嘗決兩科事劇甚優曉暢世務蓋有用之材也列屬棘寺益試爾能其鈞改稽遠參訂疑誤廢幾助朕衰於欽恤之意母曰簿書期會之末而已可高著齊微垣類業行籍田今宣壁持授行大理寺主簿制 爾父以執政朕肱王室爾食舊德乃能勉紹庭聞修明術業以莊重持身以廉平莅政久陪幕畫以明習稱朕念爾父用錄其世留司帝籍既察所安李寺勾稽式開鴻漸往哉其若予米未蒙齋集項傳文除大理寺簿制 初具官某朕明謹庶獄增植國家好生之仁故於列院中察爾敏而近厚俾之簿領李寺如得其情哀矜勿喜聖門明訓也念之哉 除大理寺簿制 初具官某重事也李寺列屬寄朕欽恤之意為爾明審不苟權為簿正民命攸繫周官五聽孰聽之心聽之也秋毫有累則天君昏而民受其冤矣可不敬歟許應龍東潤集王贊除大理寺簿制 詩曰淑問如皋陶在泮獻囚獄訟之事固儒者之素知也明啓刑書以佐其長其誰曰不能以爾與學雄文斐聲贊會以儒術而飾吏奏最選城入魏中屢奏陳剴切勾稽棘寺必能援古誼以決疑勉修厥官詞有褒擢震傳尊白堂集陳鐔大理寺簿葉先太府寺簿制

永樂大典

卷一四六〇七

朕惟大理人命所傳外府邦財所司簿正其間遴選惟重爾等儒科得
 為史事推優執云州縣之徒勞果效朝廷之推擇今茲並命命曰咸宜檢
 獄訟之稽違謹貨賄之出入斯為稱職其盡乃心允豐懷遇集承務郎劉
 克可大理寺主簿制 勅某大理議天下之刑而治中都之獄蓋其簿書
 視他寺為劇往祗厥守毋曠母侵可洪文安公集右宣義郎大理司直劉
 敏求除大理寺主簿制 爾為廷尉屬號通敏吏簿書期會之職以功次
 稍遷往惟祗欽母怠其事鄭起潛立庵外集朝奉郎特添差通判臨安府
 韓集除大理寺主簿制 廷尉天下之平有列其間皆以才選爾踐揚中
 外明習吏事往佐而長審克用刑豈特簿書云乎哉王紫微先生集郭淑
 大理寺簿制 其官某理官詳獻凡目見於簿書致按惟難不枉昇付以
 爾敏於臨事治有能稱往參棘路之懸思盡勾稽之力體予矜恤因或不
 欽 張曦大理簿制 其官某廷尉天下平事務繁則按牘積典司簿領
 尤貴得人以爾詳明金科列屬棘寺既聞評議之譽必有勾稽之能叙陞
 厥官益思自勉任希夷斯卷集任一鴉大理簿制 朕敬于刑故凡廷尉
 之屬必選通達之士以佐其長爾奮申儒學克世名門嘗宰邑司雅有治
 行昨俾司於誅獄亦既閱於歲華美譽益休褒陞可復爾其毋忽簿書之

永樂大典卷萬千六百七

十一

細克謹勾稽之常也以靖共副予東掖 耶抗大理簿制 惟理寺簿領
 之職參廷中議議之平非詳明通達之才不使居是官也爾明敏有聞臨
 蒞不苟茲庸列之棘屬爾其克從而長使氏不克則予汝嘉嗣有明陞
 龔維蕃大理簿制 朕方輯綏疆場蒐拔人材念於周行之間可無准上
 之彥惟爾穎出屬志事功比宰邑以著聲亦登畿而有譽俾簿正于廷理
 式敷進於朝班益邁爾猷以須予用曾華元豐類集李士京韓宗文大理
 寺主簿制 勅具官李士京等察治行獄之官勾稽簿領之事往祗選用
 無懈厥修可副後村集洪穰除大理寺簿制 南渡而後一門父子兄弟
 同時鼎貴前則鄱陽洪氏後則天目洪氏爾其家之佳子弟也官業邑寂
 皆可書權由輪郎列于李寺曰淑問曰審克爾與間焉豈特簿正乎哉可
 余崇龜集賀大理張寺簿啓 伏審毓龍振宸勾文棘寺時清事簡何屑
 屑簿書之勞地榮職親即家氣雲霄之上超升自此欣抃同之某久與俊
 遊日伺異渥觀持扶之快便幸造寺衢嘆繼豆之棲遲徒深抃臆江湖集
 別成道喜曹東吹遠大理簿詩 九衢多雨後庭下草痕新終擬持平手
 來為折檻人印開桐蔭干吟火燭花春却恨無來客分題寄所親疎燭湖
 先生集送趙仲禮入朝為大理寺簿詩 次科邁入幕更秩遂登朝龍化

無重浪。賜博即九實。仙凡瑞有命。天壤一何遠。願墮門庭。或敷膺日月。照
絲服慈顏。善論言龍。溼新。教忠當事。主顧養苦。思親抗。葦東西。近郵簡
早晚頻宗。公天下鎮。眉壽保千春。忠孝吾根。抵功名古。緒餘月雲。無
染着鏡。春本空虛。不必相同。異何妨。小澗跡。遠庵今。官遠味。此念何如。

鴻臚寺主簿

事物紀原。唐因陳隋之舊。有鴻臚主簿一人。從
七品。上掌印。勾檢稽失。宋書百官志。元祐官品

今鴻臚寺主簿。從八品。諸司職掌

國朝置主簿一員。從九品。宋鄧耕欄先生集。除鴻臚寺主簿。詔。勅。承務郎
鄧肅。兩項以布衣叩闕。主文而滿。諫深得詩人之旨。朕聞而嘉之。肆命以
官。而任以列寺之屬。往其懋哉。毋易而守。可。特授。依前承務郎。守鴻臚寺

主簿。

司農寺主簿

通志。晉太康中。始置司農主簿。自後無聞。梁陳
北齊。皆有之。唐置二人。從七品。上掌印。署抄目

勾檢稽失。凡置木契二十。應須出納。與置合之。宋會要。治平三年。置主簿
一員。熙寧中新法行。詔增一員。後置六員。仍與丞輪出按察。逐年係甲元

永樂大典卷萬單六百七

十三

堂四年。罷三員。建炎罷。紹興復。置。宋張廣東。惠集。吳。司農寺主簿制
勅。具官某。大農。掌倉度。委積之數。簿書所總。尤劇。關防。以。兩。性。資。明。敏。臨
事。不。苟。伴。任。鈎。檢。人。皆。謂。宜。往。究。乃。心。以。求。會。計。之。當。鄭。起。潛。立。卷。外。制
朝。諸。大。夫。行。太。府。寺。簿。趙。汝。德。除。司。農。寺。簿。朝。奉。郎。行。司。農。寺。簿。薛。光。除
太。府。寺。簿。制。洪。範。八。政。一。食。二。貨。大。農。司。九。穀。外。府。掌。百。貨。有。位。于。朝
者。非。更。迭。不。相。通。知。爾。汝。德。由。外。府。而。大。農。爾。光。由。大。農。而。外。府。仍。以。簿
正。易。地。而。處。所。以。通。和。食。貨。之。事。也。生。民。之。本。在。斯。二。者。懋。哉。各。展。所。長
以。佐。而。長。將。觀。阜。通。之。効。嗣。有。明。陟。履。忠。惠。先。生。集。石。思。除。司。農。簿。制
養。才。待。用。有。備。無。患。肆。教。求。于。暇。豫。罔。不。濟。嘉。我。良。士。簡。服。乃。職。允。迪。于
茲。朕。不。汝。遺。表。蒙。齋。集。除。司。農。寺。簿。制。勅。具。官。儒。者。耻。言。理。財。食。貨。載
在。洪。範。儒。者。事。也。而。可。耻。乎。爾。智。識。通。明。諳。練。庶。務。簿。正。農。危。乃。以。才。選
其。專。精。恪。勤。阜。民。裕。國。是。為。稱。職。高。著。齋。微。垣。類。葉。林。光。謙。司。農。寺。簿。制
危。農。乃。庫。度。氏。長。子。孫。之。地。有。司。非。帥。屬。以。共。圖。之。何。以。洗。綠。絕。簿。書
之。弊。爾。材。猷。精。驍。敏。事。通。方。所。至。咸。有。績。譽。潛。華。列。院。莫。展。所。長。乃。從。司
均。俾。而。簿。正。爾。其。以。勾。檢。稽。失。為。事。往。歆。厥。官。朝。請。大。夫。趙。希。政。特。授
行。司。農。寺。主。簿。制。危。農。乃。度。氏。長。子。孫。之。地。吏。緣。絕。簿。書。以。為。姦。利。非

得廉明通練者勾檢稽夫馬弊何能革爾材猷蕪茂振振乎麟宗之英閭
歷日久居官咸有可紀肆庸命爾以薄正其使猶臣得以自助焉往盡乃
心庶其無曠許應龍東潤集李遇兩易司農寺簿錢穀之任號為劇煩
必得通才始堪送任以爾文學政事咸精其能權務提綱課額增羨晉升
列院曷究所長外府大農存司簿正蓋無施而不可故未久而復遷往既
乃心以需異渥劉復村集黃伯統除司農寺簿制朕惟嘉定初元寧考
總攬一時名臣多出親擢爾考於是時為諫官為柱史言論風旨聞於天
下朕不及識追懷其賢爾傳受於父兄講貫於師友者詳矣由列院而贊
大農以才選非直以家世也雖考于顯揚固不止此然有司出納其可息
諸益彈贊贊免紹先訓可謝整除司農寺簿制以門閥取人其未遠
矣爾槐庭同孫椒塗近屬其為京兆少尹蓋以材選擢置農卷等而上之
其進未已可太府寺丞游汝兩易司農寺簿制江左賢相稱王謝然
烏水子弟有佩紫羅囊者有柱笏者山不省焉曹者爾清獻聞孫好修克
守於家法練事不流乎清談卷農方以乏絕為憂往勤乃職朕方觀爾之
才焉可徐拱登集韓補授宗正寺簿兵部授司農寺簿制初具官韓補
等國朝序宗派別親疏凡修纂圖籍其別有五所掌必惟其人農卷重事

也倉厨委積之政令所以會計出納其責尤不輕爾補魏弟清淑問於也
亦既主書九教矣並進之以數譜煤馬爾與頤樂善不群居官可紀亦既
貳左馮之最矣茲陽班列而旌爾能各徃勾稽尚悉乃力勉稱朕意嗣有
寵榮可蘇頌滿集蔡潛除司農簿告詞初朕惟英邸舊臣淪謝無幾幸
而有子亦既能任其於成就長養宜在朝庭是以擢於稠人命以農屬其
尚體予至意克祇厥官以母墜其世可啓劉淵海陳謙賀黃寺簿啓伏
審明陽時髦升贊農寺既夷途於薄正階華賞於禁嚴除命初朕與情允
愜某託託滋久贊慶愈深至馮純嘏之辭少高忻愉之意嗣趨崇仰庶列
下誠藉神淵集許契除司農寺謝宰執啓克員列院久荷甄收稽簿大
農又蒙鈞播之左右游揚之助賴始終成就之恩退省庸虛惟深感戴伏
念甚詩書未技州縣凡材奔走塵埃有年于此沈迷簿領乃分之宜偶脫
身半刺而未遂接武清班之末生成大矣報稱蔑然惟連營數百之師盡
仰哺盈尺之絀會計當而已不知歲月之推移行廢命也歟敢問功名之
遲速謂在銘之金豈應自躍而就矩之木無事先容况自知之甚明惟已
董之所稱敢望諸公於臺省之上但求一麾於江海之間請言進布於腹
心或恐上干於鈇鉞敢期洪造俾贊司均何以報人知不闕於心計使之

永樂大典

治賦。恐無補於司存。自視歉然。何以得此。茲蓋共遇某官佐王。願學冠代
宗臣。巖巖魯國之山。勢雄五嶽。堂堂漢朝之相。名動四夷。既立邦家。太平
之基。尤急芻蕘。賤貧之士。權衡平施。爐冶兼收。聞諸同寮。辱於納濟之念。
俾茲列屬。遂歸播物之公。某敢不益厲操修。服勤事任。雖文書或盈。凡間
敢怠勾稽。使錢穀不至。廟堂庶幾。報稱劉漫。塘集田司。農張寺簿。啓夏
令。將中虞薰入。奏恭惟某官。祇承渙渥。入佐大農。望實益孚。台候神相。動
止萬福。某遠遠十有九年。雖天上星辰。有目咸仰。而蓬萊弱水之隔。欲修
辭薦誠。厥路無由。邇雲爛然。忽墮塵凡。剝封莊誦。慰荷其何可言。且審妙
簡上心。幸新除目。尤向來稽古之學。華國之文。濟時之略。皆將舉而措之。
事業。其求鄉為天下負。豈持故舊之情而已。某頃歲墮在牢盆之役。急於
自脫。丐辭而歸。旋叨堂審之命。以駭疾浸淫。面目可憎。若天實黜之。故尼
不敢前。自放漁樵。灰寒百念。大明當天。群龍作輔。不忍一夫不獲。有如孱
弱。亦賜甄拔。斷水丹青。病駒易秣。物之無知。猶將動色。某猶人也。寧不知
榮。寺簿吹送之力。開導之光。勸勉之勤。既曉之使前。又推之使不後。物之
無情。猶將不已。于行某猶人。兩寧不知勉。但既疾日深。形容變改。加之少
歷艱苦。氣血早衰。年甫六十。而頭重目暗。手戰心忪。已不啻如八九十者。

自度必不能有補於明時。已具情實。控告公朝。嗟嘆之情。恐不能自達。更
望始終。終念為明。速疾狀於縉紳間。使得轉而上聞。尤為受賜。不勝真切
之禱。飛潛夔隔。際會無階。臨紙惘惘。然丈夫以意氣相與。雖間宵曠。同此
襟期。那能效兒女語。愛助本志。惟頓首上為世道壽重之祝。曰荆門守
張寺簿啓。春序平分。景物明媚。恭惟政成。楚甸望聲。漢朝台候。神相勸
止萬福。某去歲此時。特勤迂道。賜以臨存。衰疾之人。久與漁樵爭席。脫帽
露頂。不復顧藉。聞賢者之來。強整冠巾。修賓主禮。繁餐羞溢。所不足計。而
時來歌於周鼎之前。雖瓦釜於黃鐘之側。今猶自忖也。道中回便。更勤書
賜。好風送帆。吳楚夔隔。一箋莫寄。仰止徒勤。鵲噪簷前。家僮出視。有闔門
而立者。則來使也。再拜受書。三復展誦。知闔府以來。令嚴而疆宇寧謐。政
和而年穀嘏成。貧喜之極。不知手足之鼓舞。頃見圖經。長林一縣。主客戶
一十三萬八千。口二十九萬。皆有奇。至慶元四年。主客戶僅餘一萬六千。
口三萬五百。不知何多寡懸絕如此。豈承平時。入京便道。因應滿那。不然
恐地利有遺。試思之。昔陽縣戶口。比諸縣中多。某懸絕亦類此。李全幸已
誅。其妻逃去。則猶有可疑。二趙取山陽。猶未奏捷。自昔盜賊初起。必未能
為大害。向後乃可憂。而謀國者與任事者。皆徂於幸勝。有輕敵之心。奈何

永樂大典

卷一四六〇七

王頴叔初至邵武經始郡亭為寄居朱青丞者所聞與漕倉弗成朱君既
過建昌漕倉方覺其非而江東趙監軍者又從而問之雖化地力相主盟
未知竟能免否要之頴叔此行終久商量曾未若高飛遠引之為得也羅
能又攝副師此兄廉謹有餘臨事尚久轉旋不無賴教誨扶持之力歸監
丞來鄉郡儼懾為民所以明辨於萬絲保障之間甚至方册書交馳大使
復移司於此征徭雜出軍期文字周匝鄉落供億不前微韓使君則卷無
居人矣但御吏稍寬待頴叔與善良不異恐政久則玩因書望有以警之
某多病之人氣血因應香乘而年來特甚未知備及見袞衣之歸否寵既
澤羅當染紫作衫用以送暑尚有餘椒附併親乘年嗣膈冷脈此以扶老
恐紫衫却尚可製裁未用可發數千里外一咲台春恭惟均燕繁祉山澤
必非委後所及不敢以請某物護以寄意天下之實富為天下惜之惟厚
自珍愛詩海繪章劇景文司農王主簿敏仲詩 白首念朋好莫如先大
夫從容名理接恍惚死生殊紫漢持鵬翼
丹山識鳳雛城南枉車蓋論舊涕淚俱

率更寺主簿

杜祐通典晉置一人宋無齊有之自後無聞北
齊又有之唐書百官志唐置主簿一人止九品

永樂大典卷萬四千六百七

十五

下掌印及勾舉凡宗叔不序禮儀不節音律不諧編
刻不審刑名不法皆舉而止之次日則與丞同莅

家令寺主簿

文獻通考齊家令有主簿宋齊因之自後無此
齊家令有主簿員隋亦然唐因之主簿一人止

九品下掌印并及勾舉掌皇太子之飲膳倉儲庫藏之政令總倉官典倉
司藏三署之官屬凡皇太子備禮出入則乘輅車具威儀先諸臣以導引
若祭祀賓客則供酒食以為獻主及掌印勾檢稽夫東方秋崖集與朱寺
簿啓 伏審泥香漢雲艱奈郵天曉此邦既眾狙之怒厲民曰吾父儀
千騎以催迎惠然揚旌喜甚折履共惟某官學到考亭之妙家近武夷之
仙作鐵聲摩空如驅龍蛇而持虎豹論事氣蓋世蓋騎麒麟而翳鳳凰惟
多才簡在於宸極無一物不動於行李繞評鼎湖之弓劍亟錫孤危於患
陽欲洗天河之甲兵逆閱猓貅於漢水適皇華之臨遣忽綠底之飛來謂
高沙驚一卒之器誰凡至塞費十年之生聚徒得君重往詣帝咨力行顧
何如身率先耳既亂易治也手摩拊之言觀成丕承諾可某澗澤一別
天地再秋楮象指泗口以出征已乘破竹之勢彥之得河南而不守空懷
離黍之悲思昔論心至今扼腕有知我者嘉幸會於同寅捨其誰哉恐除

書於旁午式顯佳晤傾倒深悚余日華某回泰州洪寺薄啓 竊以青陽
 布令芳意權輿共惟某官塗雖福改千里蒙休吳靈昭相台候動止萬福
 某敢視來儀潔蠲旋謝草帥弗恪伏幸原昭 某首詞燕起茲不存陳仰
 惟侯度有嚴勳名焜耀氏宜豈弟真福鼎來史載體方楙之春調未齊之
 序對子公卿選來之命 某共審敏從驚存祭剖虎符史帖民安堂歌里
 頌伏惟慶恆某官粹明之學經濟之才度越時流結知宸衷宜受星履密
 侍天光雙遠箭班出分行使佇錄奏寂即慶遣歸不容一方久私德覆
 某日者得侍同朝之末餘光振拂眷意周旋慰滿生平未易殫叙遠時
 益曾木喻時岳峻其明因味所辦方圓既積以慶開藩風埃京塵遂成遠
 便眷誼隆特芳汗寵貽蔚然其文溢於情表榮幸未易以罄盡既也 某
 傑邀巨膺濫中省戶清越傍遠猶冀健詞風聲相聞音郵賜誨庶幾或先
 渠不知元冒昧與言伏墨期望黃堂凝燕賢輯雅怡福祉之來河漢無際
 某或恐都城偶有觀目不以巨細願得拱承葆真於萬金加重於九鼎
 更祈屬意以昌賢業幸甚 某共審疏思魏闕易填通川恩威已浹於兩
 邦譽望益孚於衆聽某官以長才幹復羽儀清朝以厚德重望結知丹衷
 瞻庸郡宸爰錫褒章春是海門允為重地適選賢收扞蔽長淮少寬顧憂

永樂大典卷萬四千六百七

即登某近 某日製柔尺仰慶開藩近暮報章方切愧感謙執泰過雲染
 鼎來情文勤渠雋永懷荷惟是遐遠冰峙候忽西風兩地相望一誠仰止
 某材謝能薄蠢蠢朝行無異雀屏盜太倉者清樾傍連行矣滿歲絲毫
 莫補玩愒是慚執事未忘舊遊賜以良砭免糜司敗渠庸敢忘瀛涸福星
 之聚欽想自天降康與日俱積某伏恐日遠有散越惟台旨是遵戴榻沈
 川集通趙寺薄啓 主印月懸峻仰中朝之望抱關星齋猥隨下走之塵
 半生擁篲以未能此日肅緘而何幸恭惟某官德輝銀筆才冠瑤杖訪典
 公賦詠之蹤地鍾清淑探子政枝麟之學天與絳綸既懋底於民庸延巫
 陞於廷蹟惟儲帑計籌之歷試故源流本末之具知與從農殖之司植任
 鈞來之寄清明四遠靈旒一銷豈惟敷上於便宜固已密禱於均節歌循
 梁揚箕之詠維則權輿登荷素簪筆之班是應步武 某塵庸太甚澗落
 何堪霜枯杏苑之袍僅馬再祿雪遍萱闈之髮將以遠來那知權林之欣
 但有虞夢之守尚依喬蔭獲免空官食馬慮不盡才所觀異知之顧好士
 為之推轂倘形有味之言投惆采深琢詞非腴方澄孫馬山某通郡武守
 王寺簿制 某伏以梅霖麥秋天氣清潤共惟某官千騎鼎來先聲載路
 史民既觀穿吳馮休台候動止萬福某熏板函牘通贊賀床伏俟管省某

惟千里以缺守聞聖天子遠選一世廉稱伴宅乃牧山君川妃奉夫奉職
惟恐後首德非能吉衛殷麟愛幼小忠猶願國公家右軍黃庭一道獻真
坐側 某茲者共審自天出時便道排麾赤子田里問水息帶牛之舊烏
君山川國幸瞻銅虎之新次合纂嚴粵城增重伏惟惟慶某敢以某官其
清如水其明如鏡其方如玉界又其直如朱絲繩蓋見大夫中第一派也
彈壓京華討論國計制裁繁劇繞露一班羽儀况農駸駸衛用矣廉取符
竹少俟成介視速化者無美心聞騰上者無競色樵震于鄰關上憂顧遂
使耆老子弟得此賢君可謂甚幸願聖哲馳騫之秋朝廷軍國其所倚重
又有大於一郡者邦人固歌叔度矣然不識其果可以借寇倘乎否也願
重詔趣鋒車某方且拭目某蚤歲獲盡交當世賢豪前四三年容食五侯
諸公之門蓋嘗於輦轂下聞風聲萬矣分教未想始至揖人士而問之曰
壁記賢廣文之可思者為誰群然為某言曰無如國子先生太原公者某
於是晨出焚香思其人而從之游妻起生不同時之歎居無何聞下被命
來典此州某謂致德問業以求先止之文獻有日矣興懷久之事與願左
何圖末路實獲我心蓋自有昭武吟廳以來未有茲盛事也願備交賀某
亦不覺起舞某不肖以文墨小技為時輩見推許賜第後今昭文即欲枚

拾今請未見書有何必出都門之語自顧地寒望淺辭不敢當以格為師
群朝來寫章不入耳中間造化料理之意無時無之小儒平進撥分甚審
日與士友扶舟詠詠栽梅種竹以自樂其樂亦不知歲月之逾邁官舍之冷
落也今何幸府公乃世偉人先止坐處某實嗣芳躅芹莛之鄉必辱寵光
而表異之既喚回前六十年之騰踐又留為後千百年之美談則某之此
官真不冷矣所謂人皆有一天我獨有二天詎不信然詞語狂狷伏地俟
罪某俯望先驅自念司存非他廳比賀語不應落人後亟課駢儼一通所為
道古今譽盛德者雖淺區區衷私亦見其繁儻辱震擲某榮幸倍萬某按
分有涯不敢借易稟問使閭星珠月璧之春伏想由堂徂序福慶維鈞新
治初條端笏稟請韓沈澗泉某次韻王寺簿祈和昌甫句 常恨春濃不
賦詩詩成却怪得春遲春風漫曠登山屐興入青春若素期 君侯錦繡
作肝腸句到江梅韻更芳自要蓮花試陶寫從教弄影與吹香 惟志東
山事事宜愛閒幽討過橋時世間兒女那能識一既風流總是詩苑景迂
集葉善養香簿書為郡州從事有詩相送予至郡作寄 夫君舊遊地固
洛我盤桓旅夢未結斷荒山白髮寒文高鶯小阮共猶子內餘存曾遠曉
在長食得愁相思處瓊瑤落手看 頃安世梅葉後篇別張寺簿詩 君為

問客我登朝。我車日過南湖橋。聽君論詩發幽秘。問君索酒洗岩光。誰惜
君賦告天子。武皇夜喚相如起。明朝車馬滿街來。從此相望隔湖水。欲往
從君足似攀。馬嘶僕顧不能前。時憑栩栩枝頭夢。住者娟娟池上蓮。詩盟
掃地心如失。酒債無錢甘首疾。練榜門巷過春風。粉籜園林空夏日。半竿
不索此悲涼。無計挽君歸野塘。不如我自解章綬。却為閑客來君傍。飲竭
君家酒。千斛吟盡君家紙。千軸醉中扶上木蘭舟。秋浦月明秋水綠。次
韻李校書賀張部門除寺簿詩。酷愛陶元亮。生憎庾子山。盃中今兀兀
鏡裏昔班班。願子飛騰速容子。浩蕩開他時。江海上。莫遣尺書慳。許論涉
齋集。次韻晴徐居厚寺簿詩。度江見三白。飛雪為誰妍。因山行單後。憂
國且願年。春言靈駕發。錦延屬車駢。陽侯既劫職。滕六敢自賢。聞陰不忌
下。竣事即墮前。山林亦縞衣。揮灑紛素筵。似與孤臣淚。同作珠貝編。豈無
訪戴舟。拘文不容牽。感君相料理。語妙堪流涎。奈何補天手。袖此盤湖塊。
不受鄰僧米。顏公盡憂煎。按抄煥雪眼。縱史吟詩肩。同時天下名。一日方
九遷。君不策高足。餘子煩後鞭。疇再用韻。正士如止色。壯興俗競妍。
老成信遲鈍。阿婆曾少年。斯人寄閑地。宇宙豈賢駢。向來馳天壤。誰者相
愚賢。我欲從之游。每恨不得前。茲行本尸祝。代庖誤富筵。高軒既枉過。妙

永樂大典卷萬四千六百七

十八

語亦盈編。受施不知報。力疾可復牽。風雪久為虐。江湖長蛟涎。天豈因男
兒。地闕東南傾。惟有皎潔姿。不受寒暑煎。勉子加餐飯。行行盡付肩。時或
有通塞。道豈隨變遷。願將釣竿手。一為公執鞭。王十朋梅溪集李德遠寺
簿取言勇退今之古人也。末嘉王其賦詩以高其行。吳山蒼蒼煙靄橫。
皇都日日春風生。利塗捷徑走輪駁。古道荆棘君行兵。江洪濤拍天。洶
萬楫千帆。日相踵。六龍入釣猶不歸。急湍知退惟君勇。斜川勝事今臨川。
錦袍風月追謫仙。芋魁豆飯吾亦有。脫屣有媿君翩然。我輩情鍾惜離索。
為圓惜賢情。更惡江頭送別春。尚寒回首冥鴻已。界扉徐樹仲西憲。集慶
周景仁遠寺簿詩。焦枯平日賴吹嘘。移坐當頭念老夫。歌徹雅詞三嘆
豈釋除俗韻。一星無用行自是。應超躐。屬吏何時定改圖。且自楚鄉風雨
足。一犁春曉要人扶。胡伶澹庵集。臨平道中用坡老雪中長韻。答劉寺簿
詩。從來無逸為元龜。艱難務穡誠宜知。奚為三老凍且餒。不以仁政勤
虛吹。澹菴野人錯料事。苦吟對雪空掀髯。蘇仙漫解賦。曉曉浩轉子亦徒歌。
晚漸兩翁句法。豈不好。祇欠數語書安危。先生思寒。踞梁列者復步步如。
爰疎憂民未減。胼胝史扶。續擁貂吾忍為。斷水長我壓郊島。令我玩味終
朝持。肯同俠窟煖金帳。不說莊生姑射肌。平生浮雲。脫卿相。往往羞談蔡。

永樂大典

卷一四六〇八

克紀。向來編研國朝事典刑一一輝明時例。閨玉音猶在耳。記錄姓名。標
 殿惟遺。歸承明定。不日啓沃。要須視鳳姿。莫將篇什。初雪塵。好吐忠嘉。溥
 俗清致。君宜許。先相履。活國未慙。唐宰婢。嗟予三黜。從此逝。已覺別袖風。
 披披高舟。却憶剡。溪老夢寐。早逐心旌。馳古風。水祕此囊錦。忘語勿。嘆吾
 言危。行行自愛。保明哲。咄咄賢業。進規
 隨况。復看家有故事。元城先生。劉器之。

永樂大典卷之一萬四千六百七

永樂大典卷之一萬四千六百七

十九